

**BENOIST (Arnaud), notaire de Villemur, Villemur-sur-Tarn, minutes 1622-1624, année 1624, f° 156 (v°) & ss., Archives départementales de la Haute-Garonne, cote 3 E 26979, PH/JCHR/1130170.**

(...)

Testement de durand de meyra

Au nom de dieu soict saichent tous  
presans et advenir que ce jourd'hui **neufviesme** du moys de  
**may mil six cens vingt quatre** dans la ville de **villemur**  
dioceze de montauban et seneschaucée de th(ou)l(ous)e & **lougis ou pend**  
**l enseigne de saint jean** appartenant a( )madonne **eve de gau**  
**vefve a f(e)u jean soullier** vivant **hoste** de lad(ite) ville avant midy  
regnant louys par la grace de dieu roy de fran(ce) et de navarre  
pardevant moy no(tai)re royal soubz(sig)ne et tesmoingz bas nommes estably  
en sa personne **durand de merya natif du lieu de**  
**mara** (*lire : Marat*) dioceze de clermont en aubergne et a( )presant soldat  
en la garnizon du ch(âte)au de la presant ville lequel estant

.....  
157

dans lad(ite) maison gisant dans un lit detenu d'une  
certaine malladye corporelle puy le vingtiesme avril  
dernier toutesfois par la grace de dieu en ses bons sans memoire  
et entandement bien voyant oyant parlant et parfaictement cognoissant  
saichant qu( )il fault mourir et n( )i avoir chose plus certaine que  
la mort ni plus incertaine que l( )heure d'icelle et tandis que  
comme dict est il est en ses bons sans a( )volleu dispouzer des  
biens qu( )a pleu a dieu lui donner en administra(ti)on en se monde  
aux fins d( )esviter qu( )apres sa mort et( )trespas proces ne  
]soient[ soient sucittes pour raison d( )iceulx en(tr)e ses parans amys  
et allies & ce en la forme & maniere que s'ensuyt premiere(men)t  
comme estant bon vray fidele chr(eti)en et cathollicque c( )est munny  
et prepare du venerable saint signe de la croix disant au nom  
du pere filz et saint sprit amen si a recomandée son  
ame a dieu le priant que lhors qu( )il lui plaira l'appeller  
de ce monde en l'au(tre) la voulloir collocquer en sa triumpante gloire  
de paradis son corps **veult estre** inumme et **ensepveli dans**  
**le siminctiere de l'esglize dud(it) villemur hors les murs**  
**saint jean en la forme de la religion cathollicque** applicque et  
romaine sy a dict et declaire led(ite) durand de meria  
testateur que despuys le comancement de sad(ite) malladye  
il a esté tousjours et continuellement aciste et soigne par faveur et  
charitte de noble **jean louys de laugeat sieur de( )lamothe**  
**chantouin** lieutenant de mons(ieu)r de( )la( )molliere gouverneur

.....  
pour le roy au ch(âte)au ville et viscompte dud(it) villemur

lui ayant distribue tout ce que lui a esté necessaire en sad(ite)  
malladye jusques a presant pour n( )avoir led(it) testateur  
d argent ni de( )quoy le( )fere de( )quoy led(it) sieur de( )la( )mothe  
s en est randu caution et( )payeur & nottement pour ce qui est  
deub au medecin app(oticaire)re sallaire de deux personnes necessaires nuyt  
et jour aud(it) testateur **a cause de la frenesye** dont il a esté detenu  
que pour la( )despan(ce) et frais faitz aud(it) lousis de( )s(ain)t jean  
et qu( )il pourra f(air)e encores a raison de( )l( )aparan(ce) de( )la longue  
malladie qu( )il peult avoir c( )est pourquoy icell(ui) testateur  
a ordonne et ordonne que le( )tout soit paye et rambourcé  
aud(it) s(ieu)r de( )la( )mothe par ses her(iti)ers bas a( )instituer  
incontinent apres son deces sans aulcune forme ni figure de( )proces  
lequel sieur de( )la( )mothe il a( )prié et supplie lui voulloir  
faire f(air)e ses honneurs funebres si tant est qu( )il decede et meure  
de ceste malladye et subvenir aux frais qu( )il conviendra comme  
dessus voullant et entendent qu( )il soit payé et rambourcé par  
sesd(its) her(iti)ers a( )la( )foy duquel sieur de( )la( )mothe il veult  
qu( )ilz se rapportent item donne et legue led(it) testateur  
a **bonnet laferriere du lieu du tier en auvernhe** & &( )presant  
soldat au ch(âte)au dud(it) villemur tous et ch(ac)ungz ses hardes et  
habitz qu( )il a( )de( )presant en lad(ite) presant ville sans aulcune exception

.....

158

qu( )il veult lui estre delivres incontinent apres son deces et  
c( )est en considera(ti)on des bons et agreables services qu( )il a receus  
de lui pendant sad(ite) malladye recoict journallement et espere  
recepvoir a( )l( )advenir / plus a dict et declairé led(it) testateur  
estre debiteur et redevable envers **guillaume de merya**  
**son frere consanguin** qui est a( )presant absant de son pays  
en la somme de septante cinq livres dont n( )i a( )promesse  
ni obliga(ti)on laquelle somme veult lui estre payee apres  
le( )deces dud(it) testateur et a sa premiere requi(siti)on par sond(it) (*sic.*) here(tier)s bas  
nommes auquel guillaume de merya sond(it) frere il a( )donne et donne  
la somme de cinq soulz & moyenant ce l( )a( )faict son here(tier)  
particullier que n( )aye ni ne puisse au(tr)e chose prethandre  
ni demander en sesd(its) biens luy impauzant scillence perpetuelle  
de plus a donne et legue a **guilhalmette de maria**  
**sa soeur** la somme de quarante cinq livres payables par sesd(its)  
here(tier)s incontinent apres le( )deces dud(it) testateur / comme aussi  
donne et legue led(it) testateur a **francoize de( )merya** aussi  
**sa soeur** pareille et semblable somme de quarante cinq livres  
payables apres le( )deces d icell(ui) testateur & moyenant ce  
les a( )faictes ses here(itere)s particullieres que n( )ayent ni ne  
puyssent au(tr)e chose prethandre ni demander en sesd(its) biens  
leur impozant scillance perpetuelle ^° et par ce

.....

que le chef et fondement de tout bon vray legitime et vallable

testement est l instituti(on) de l here(tier) ou heretiers au(tr)ement  
seroict dict nullé a( ) ceste cause led(it) durand de meria  
testateur a faictz cre(e)s et institues ses here(tier)s universelz et generaulx  
et de sa propre bouche les a nommes savoir est **anthoine**  
**autre anthoine et claude de merya ses freres**  
et ce en tous et ch(ac)ungz ses biens et droictz qu( ) il a de( ) presant  
ou aura a( ) l( ) advenir en quelz lieux qu( ) ilz puissent estre et en quoy  
qu( ) ilz puissent concister pour du( ) tout apres le( ) deces dud(it)  
testateur en f(air)e par sed(its) freres ere(tier)s ]a-tous[ susd(its) par esgalles  
partz et portions a( ) tous leurs plaisirs et vollontes tant  
en la vye que en la mort, et a la charge par eulx de  
satisfaire aulx susd(its) debtes laysses et legatz & en la forme  
et maniere susd(ites) led(it) testzteur a faict ordonné clos et arreste  
sond(it) presant testament noncupatif lequel veult que soict  
vallable tant par forme de testament codicil donna(ti)on et au(tr)ement  
en la meilleure forme que de droict peult et doibt valloir  
tant de droict que costume du( ) presant pays cassant revocquant  
et annullant tous au(tr)es precedantz testementz codicilz et  
donna(ti)ons qu( ) il pourroict avoir faictz voullant n ayent  
aucune force velleur ni efficace mais le presant estre  
son dernier et vallable testament & pour tel tenu garde et

.....  
observe inviolablement requerant et priant les tesmoings  
y presans et acistan(ce) de sa presante et derniere disp(osition) ]estre[  
lui pourter tesmoignaige de verite quand pries et( ) requis en  
seront & a moy d(i)t notaire lui en rettenir acte ce qu( ) ay  
faict et recitte ez presan(ce) de m(aître) jean austrin no(tai)re  
habitant dud(it) villemeur geraud leygonye de  
la ville d orthac pierre de naples abel desplan  
soldatz en la garnizon du ch(âte)au dud(it) villemeur signes  
s(ain)t andre de( ) la( ) garene jean bernet ]~~jean l...n~~[ et gilibert  
fouron habitant dud(it) villemeur soldatz en lad(ite) garnizon  
dud(it) ch(âte)au dud(it) villemeur ne sachans signer  
moingz led(it) testat(e)ur et moy X ^° item done  
et legue a **francoize difunerya** sa niepce et filheulle  
la somme de cent livres payable lors qu( ) elle  
sera en charge de mary et jusques aud(it) temps  
veult et entand led(it) testat(e)ur les intherestz de  
lad(ite) somme luy estre payes par sesd(its) here(ier)s  
suivant l ordonnance X.

G. Leigonye, p(rese)nt

Austrin, tesmoing

Denaples, p(rese)nt

Desplan, p(rese)nt

Benoist, not(aire)